

# II Convocatoria Deporte Solidario 2015

Axudas para favorecer o uso do deporte  
como instrumento de intervención social

Prazo de presentación de proxectos do 2 ao 16 de marzo



FUNDACIÓN  
**emalcsa**



Ayuntamiento de A Coruña  
Concello da Coruña

## FUNDACIÓN EMALCSA

A Fundación Emalcsa ten entre os seus fins fundacionais a **promoción, o desenvolvemento e o fomento do deporte** (art. 6 b). Así mesmo, dentro do seus fins específicos encóntranse:

- A promoción da igualdade de oportunidades e da integración social e laboral da poboación en xeral e especialmente das persoas e colectivos que poidan sufrir discriminación ou dificultade para a súa plena integración social por razón de idade, de déficits de formación, de diversidade funcional ou discapacidade, de padecer adiccións, ou de calquera outra causa (art. 7, a.1.1).
- O fomento do deporte de base e dos valores sociais asociados á práctica deportiva, tales como o traballo en equipo, o esforzo e afán de superación, o respecto polas regras e o xogo limpo, os hábitos saudables en alimentación e a prevención e rexeitamento ao uso de substancias prohibidas ou perigosas para a saúde etc. (art. 7, a.2.1).

Tendo en conta estes fins e que a actividade física e o deporte, máis alén dos beneficios da aprendizaxe e práctica deportiva en si mesmos, ofrecen oportunidades únicas para a promoción e transmisión de valores, para a integración e a cohesión social, a Fundación EMALCSA realiza unha convocatoria de axudas para favorecer o uso do **deporte** como instrumento de intervención e transformación social.

A convocatoria está dirixida a apoiar entidades deportivas que presenten proxectos específicos, dentro da súa programación de actividades anual, especialmente deseñado e cunha metodoloxía axeitada, dentro dalgunha das liñas de actuación previstas nesta convocatoria.

## 1. Características do proxecto

O proxecto presentado nesta convocatoria deberá estar **integrado dentro da programación anual da entidade** ou entidades solicitantes. Para garantir a consecución dos obxectivos de desenvolvemento persoal, integración e transformación social, aos que pretende contribuir esta convocatoria, deben contar cunha **planificación e metodoloxía específica**.

O proxecto presentado terá unha **duración máxima de doce meses** e deberá **contribuir ao desenvolvemento dun fin social a través do deporte**: contribuir á igualdade de oportunidades e á inclusión social de persoas en risco de exclusión social ou pobreza, ou en situación de vulnerabilidade social, con especial atención á infancia, xuventude, persoas con discapacidade e ás minorías étnicas, mediante o fomento da súa participación na actividade deportiva.

O proxecto deberá partir dun diagnóstico sobre a realidade social e incidir sobre a problemática identificada desenvolvendo accións que contribúan a afrontala a través da actividade deportiva.

O ámbito de realización do proxecto será o termo municipal de **A Coruña**.

## 2. Requisitos das entidades solicitantes

Ademáis do sinalado no apartado introdutorio da presente convocatoria, poderán concorrer a esta convocatoria as entidades que reúnan os seguintes requisitos:

- Que sexan privadas e sen fin de lucro.
- Que estean legalmente constituídas.
- Que estean inscritas no rexistro de entidades deportivas da Xunta de Galicia e no Rexistro Municipal de Asociacións Coruñesas.
- Que estean ao corrente no cumprimento das obrigas tributarias e de Seguridade Social, no seu caso.
- Que estean ao corrente das obrigas establecidas en convocatorias anteriores do Concello da Coruña e da Fundación Emalcsa, no momento de concesión da axuda.
- Que cumpran os restantes requisitos esixidos pola Lei 3/2012, de 2 de abril, do deporte de Galicia.

## 3. Criterios de valoración

### 3.1. Valoración da entidade. Ata 30 puntos.

Para proceder á valoración das entidades solicitantes terase en conta:

- A experiencia demostrada pola entidade na xestión de actividades deportivas.
- A capacidade organizativa e institucional da entidade.
- Que a entidade dispoña de estrutura e medios que aseguren a viabilidade de execución do proxecto presentado.
- Que a entidade conte con recursos propios ou doutras entidades, adicionais aos solicitados á Fundación Emalcsa.
- Que a entidade traballe activamente no fomento da participación feminina no deporte ou da igualdade de xénero.
- A participación da entidade promotora na Organización de eventos dentro dos diferentes programas municipais (Festas do Rosario, Programa de Nadal, Programa de Primavera, Programa de Verán, Teresa Herrera, Cidade da Coruña, Xogos Escolares, Día do Deporte na Rúa, programa de animación durante as grandes carreiras populares...) nos últimos tres anos.

### 3.2. Valoración da actividade de fomento do deporte base. Ata 20 puntos.

Para proceder á dita valoración terase en conta, preferentemente:

- A experiencia en actividades de fomento do deporte base.
- Actividades/proxectos realizadas para o fomento do deporte base.
- Número de licenzas ata categoría xuvenil/ júnior.
- Número de equipos ata categoría xuvenil/júnior.
- Número e cualificación de cada técnico deportivo titulado da entidade, vinculado con accións de fomento do deporte base.

### 3.3 Valoración do proxecto social. Ata 50 puntos.

Para proceder á dita valoración terase en conta, preferentemente:

- A **experiencia** demostrada pola entidade na xestión de actividades deportivas que vinculen deporte e solidariedade ou intervención social.
- A **utilidade social**, a oportunidade do proxecto formulado e o axuste ás necesidades do colectivo ao que vai destinado.
- A **diversidade** de ámbitos de actuación que englobe.
- A **participación** no proxecto de organizacións especializadas na atención de colectivos destinatarios do proxecto social.
- A **formulación** de resultados claros e realistas; a coherencia entre obxectivos e a problemática que se pretende resolver.
- A **coherencia** entre os obxectivos e as actividades previstas para alcanzalos.
- A inclusión dun **calendario** detallado de actuacións e fases de execución.
- A definición dun **orçamento** detallado e coherente co obxectivo do proxecto, cunha relación equilibrada entre os medios utilizados e os resultados agardados.
- O establecemento, a priori, dos criterios de **avaliación** do proxecto, con obxectivos medibles, incorporando para isto indicadores.
- O **equilibrio** entre o importe da cantidade solicitada e o orzamento anual xestionado pola entidade.
- A **sostibilidade** do proxecto, unha vez terminada a colaboración da Fundación Emalcsa.
- Que o proxecto se **integre** na actividade ordinaria do centro dando continuidade ao mesmo durante todo o ano.
- A **difusión** prevista do proxecto ante a opinión pública, de cara á sensibilización da sociedade.

## 4. Condicións de financiamento

### 4.1. Importe e destino dos fondos

A solicitude presentada á Fundación Emalcsa non poderá exceder o importe de **20.000 euros**. Poderanse financiar tanto gastos relacionados co fomento do deporte base, como o proxecto social. Para isto, do importe total solicitado, **como mínimo un 50 % han ser gastos directamente imputables ao proxecto social** e un máximo do 50 % gastos relacionados coa actividade ordinaria da entidade deportiva, vinculada ao fomento do deporte base.

### 4.2. Gastos exelibles

Considéranse gastos exelibles aqueles que de maneira indubidable respondan á natureza do proxecto social ou ao fomento do deporte base ata categoría júnior/xuvenil, como:

- **Gastos do persoal** directamente afectado ao mesmo (técnicos, deportistas, médicos e outros).
- **Equipamento** deportivo.
- **Desprazamentos** (viaxes, aloxamentos e manutención).
- Gastos de **actividade federativa** (licenzas, arbitrxes, cánones ou cotas de participación).
- **Comunicación** e marketing.
- **Gastos xerais** (máximo 10% do importe destinado ao fomento do deporte base).

En todo caso, debe acreditarse fidedignamente no correspondente xustificante de gasto que o mesmo está directamente relacionado coa actividade. Considerarase gasto realizado o que foi efectivamente pagado con anterioridade á finalización do período de xustificación.

En ningún caso o custe de adquisición dos gastos subvencionables poderá ser superior ao valor de mercado.

### 4.3. Outras achegas ao financiamento.

A achega da Fundación Emalcsa non está limitada a unha porcentaxe máxima do custe do proxecto, aínda que **se valorará a achega que realice a entidade solicitante**. Os recursos aportados por outras institucións, entidades ou pola propia entidade solicitante deberán ser documentados fidedignamente. Se non fose posible efectuar dita xustificación ao presentar a solicitude, a posible concesión quedará condicionada á súa presentación.

A obtención con posterioridade á concesión da axuda por parte da Fundación Emalcsa doutras axudas para o mesmo proxecto procedentes de calquera Administración ou Entes Públicos ou privados nacionais ou internacionais, comunicarase de inmediato por escrito á Fundación Emalcsa, especificando a contía e o destino que se dará aos ditos fondos dentro do proxecto.

## 5. Prazo e presentación do proxecto

As entidades deberán dirixir as súas solicitudes persoalmente, por mensaxería ou por correo postal certificado adxuntando unha copia impresa dos documentos relacionados no apartado 6 das bases a:

**Fundación Emalcsa**

**II Convocatoria Deporte Solidario 2015**

Rúa Manuel Murguía. Edificio Casa del Agua s/n Planta 7ª  
15011 A Coruña

O **prazo de presentación dos proxectos finalizará o 16 de marzo de 2015 ás 13 horas**. No caso de envío por correo certificado aceptaranse as solicitudes cuxa data de mataselos e hora non sexa posterior á de finalización da convocatoria.

Así mesmo, o **Formulario de presentación de proxectos deberá enviarse en formato electrónico** ao enderezo [secretaria@fundacionemalcsa.es](mailto:secretaria@fundacionemalcsa.es). A presentación a esta convocatoria presupón a plena aceptación das súas bases.

## 6. Documentación a presentar coa solicitude

- **Instancia de solicitude de colaboración** segundo o modelo establecido pola Fundación Emalcsa.
- **Formulario de presentación de proxectos** segundo modelo establecido e, no seu caso, anexos pertinentes.
- **Memoria** do último exercicio da Entidade.
- **Balance e conta de resultados normalizados** (adaptados ao Plan Xeral Contable) do ano 2013.
- **Certificado federativo de licenzas** deportivas da entidade.
- **Número no REMAC** (Rexistro Municipal de Asociacións Coruñesas).
- **Certificación dos datos bancarios** da entidade (orixinal expedido pola entidade bancaria).
- **Certificado de estar ao corrente** no cumprimento das obrigas tributarias e de Seguridade Social, no seu caso.
- **Declaración xurada** de non ter un expediente sancionador en curso co Servizo Municipal de Deportes, coa Secretaría Xeral para o Deporte ou coa Federación correspondente
- No caso particular das entidades subvencionadas na I Convocatoria Deporte Solidario, deberán, así mesmo, presentar **carta de conformidade** de fin do proxecto realizado en 2014.

A Fundación Emalcsa garante a confidencialidade da documentación achegada polas entidades solicitantes.

**Aquelas solicitudes que se presenten fóra do prazo establecido, que non se axusten ás bases, que presenten carencias na documentación a incluír ou cuxo formulario de presentación de proxecto non fose cumprimentado en todos os seus apartados, quedarán excluídas da presente convocatoria.**

## 7. Resolución da convocatoria

Os proxectos recibidos dentro do prazo e que cumpran os requisitos establecidos serán avaliados por un **Comité Técnico** que elevará a súa proposta ao órgano competente da Fundación Emalcsa, que adoptará a correspondente resolución.

O Comité Técnico poderá reunirse, se o estima oportuno, con representantes da entidade solicitante, ou ben recabar da mesma información engadida sobre o proxecto ou a organización.

O Comité Técnico valorará a adaptación do proxecto aos criterios establecidos nestas bases e realizará as súas propostas entre aqueles que considere de maior interese.

O proxecto poderá ser considerado na súa totalidade ou para unha parte da axuda solicitada. Neste último caso, para considerar firme a concesión, a entidade deberá presentar xustificación do financiamento complementaria ou presentar unha reformulación para adaptar o alcance do proxecto.

A resolución das solicitudes terá carácter irrevocable e será publicada na web [www.fundacionemalcsa.es](http://www.fundacionemalcsa.es). Todas as entidades presentadas recibirán comunicación por escrito da resolución da convocatoria.

Non se devolverá a documentación dos proxectos non seleccionados, que será destruída.

## 8. Formalización da colaboración e forma de pagamento

A colaboración formalizarase mediante a **sinatura dun convenio** entre a Fundación Emalcsa e cada unha das entidades cuxo proxecto fose seleccionado. Os dereitos e obrigas que contraian as partes quedarán reflectidos en dito convenio que incluírá, entre outros, os seguintes puntos:

- O importe da axuda concedida.
- O prazo de execución do proxecto.
- A forma de pagamento.
- A xustificación do gasto
- Os mecanismos de seguimento e avaliación do proxecto, así como a presentación de informes.

A realización do proxecto e a súa titularidade serán de exclusiva responsabilidade da entidade beneficiaria da axuda. A Fundación Emalcsa realizará o abono da cantidade concedida nun único pagamento, nun prazo máximo de 1 mes desde a sinatura do convenio de colaboración referido no apartado anterior, nunha conta bancaria da entidade.

## 9. Información a facilitar á Fundación Emalcsa

### 9.1. Modificacións do proxecto

As entidades que reciben axudas no marco desta convocatoria quedan obrigadas a comunicar calquer eventualidade que altere ou dificulte gravemente o desenvolvemento do proxecto aprobado. Necesitarase a autorización previa e expresa da Fundación Emalcsa para calquer modificación substancial dun proxecto, entendendo por tal aquela que afecte aos obxectivos do mesmo, aos/as beneficiarios/as, ao lugar ou ao prazo de execución ata 2 meses ou a diferenzas superiores ao 20% nas partidas previstas no orzamento.

As solicitudes de modificacións substanciais do proxecto deberán estar suficientemente motivadas e deberán formularse con carácter inmediato á aparición das circunstancias que as xustifiquen. No prazo máximo de 1 mes desde a solicitude de modificación, enviarase á entidade a correspondente autorización ou denegación.

No caso de modificacións non incluídas nas categorías descritas anteriormente, bastará coa súa comunicación no informe final.

### 9.2. Informe final

No prazo máximo de **1 mes desde a finalización do proxecto**, a Entidade responsable deberá presentar un informe final descritivo das actuacións e de xustificación do gasto, segundo modelo que facilitará a Fundación Emalcsa. No informe final incluírase toda a información técnica e económica do proxecto no seu conxunto.

A xustificación dos gastos realizarase mediante achega de listado de xustificantes de gasto, segundo modelo que se facilitará, dispoñendo desde o momento da presentación do informe á Fundación Emalcsa de orixinais cun selo identificativo do proxecto e da entidade, na sede da entidade. Non se admitirán xustificantes de gasto con data anterior ao inicio do proxecto.

A Fundación Emalcsa comunicará formalmente nun prazo de catro meses tras a recepción do informe final a aprobación ou non, no seu caso, de dito informe. Dita aprobación dará lugar á extinción do convenio, sen perxuízo dos resultados que poidan producir as auditorías externas. Se non se recibise o escrito de aprobación do informe final no prazo máximo de 4 meses, considerarase extinguido o convenio.

### 9.3. Seguimento e control por parte da Fundación Emalcsa

A Fundación Emalcsa, ben directamente ou ben a través da subcontratación de terceiros procederá ao exame dos informes finais das entidades. A Fundación Emalcsa poderá recadar información complementaria, solicitar a presentación de documentos acreditativos do gasto ou realizar avaliacións *in situ* dos proxectos aprobados.

As entidades beneficiarias deberán someterse ás actuacións de comprobación que sobre os proxectos leven a cabo a Fundación Emalcsa ou as entidades ou persoas ás que ésta poida subcontratar o seguimento, así como a cantas outras comprobacións se efectúen ao abeiro das presentes bases.

## 10. Incumplimento

As entidades beneficiarias das axudas comprométese ao reintegro das cantidades recibidas nas seguintes situacións:

- Incumplimento da obriga de presentar informes das actuacións realizadas e de xustificar o gasto.
- Incumplimento de obxectivos para os que a colaboración foi concedida.
- Supostos en que os gastos non se levasen a cabo por calquera causa ou se modificasen substancialmente os proxectos sen autorización expresa da Fundación Emalcsa.
- Inobservancia de calquera outra condición imposta con motivo da concesión da colaboración.
- Obtención da axuda sen reunir as condicións requiridas para isto.

A Fundación Emalcsa, por si mesma ou os seus servizos de auditoría, poderán solicitar, no prazo de dous anos a contar desde a resolución da presente convocatoria, tanta información técnica e financeira estimen oportuna para proceder á verificación ou control da execución do proxecto e dos seus resultados.

O incumplimento de calquera condición establecida con motivo da concesión da axuda terá, ademais, como efecto inmediato a imposibilidade de obter colaboración económica da Fundación Emalcsa en posteriores convocatorias.

## 11. Publicidade

As organizacións beneficiarias de axudas a través desta convocatoria deberán facer constar en toda a documentación, información e publicidade que realicen da actividade de fomento do deporte base, así como do proxecto social, a colaboración da Fundación Emalcsa, de acordo cos formatos facilitados pola mesma.

A título enunciativo, sen perxuízo doutras posibilidades, farase constar en:

- Equipamento deportivo.
- Portada de programas, folletos e carteis que se editen.
- Medios de comunicación nos que se faga mención do proxecto subvencionado.
- Notas e roldas de prensa.
- Pancartas ou bandeirolas.

**A entidade seleccionada entregará en formato electrónico, anexo xunto co informe final do proxecto, toda a publicidade vinculada aos mesmos.**

## 12. Información e consultas

Habilitase un teléfono e un correo electrónico de información e consultas relacionadas coa II Convocatoria Deporte Solidario:

- Teléfono **981 186 510**
- Correo electrónico: [secretaria@fundacionemalcsa.es](mailto:secretaria@fundacionemalcsa.es)